



UNIVERSITÄTS-
BIBLIOTHEK
PADERBORN

Universitätsbibliothek Paderborn

Quotidiana Christiani Militis Tessera

Stanyhurst, Guillaume

Coloniæ Agrippinæ, 1710

7. Dies Februarii. Mori malè times, & malè vivere non times.

urn:nbn:de:hbz:466:1-45477

expansibus, qui in fugacissimæ vitæ articulo, quæ vix unius diei limitibus includitur, cælo proposito, & iis bonis, quæ nec oculus vidit, nec auris audivit, ore inhiante umbras stupent, seque totos in luto voluntant? Donec emergentes è luto, repentè mergantur in orco. Aurem illis vellicat Poëta dum ita cantat.

Est tibi vita brevis, modo vivis, cras morieris.

7. DIES FEBRUARII.

Mori malè times, & malè vivere non times.

S. August. de temp. serm. 239.

Mors est I. **C**Um avari studiosè quærant, quod ditescant; mæsti quo exhilarentur, infirmi quo sanentur, ambitiosi quo exalantur: cur qui mortem adeò timeant, non quærant remedium, quo illam non timeant? Malè timeretur, quod nostri est arbitrii non timere: Illud metue, unde mors redditur metuenda; hoc est vitam malam. Rogatus à Socrate Plato, quomodo in vita se gessisset, & quomodo in morte se esset gesturus. Audi responsum magis Catholici, quàm Ethnici. *Scito, inquit Socrates, in juventute operam me dedisse, ut benè viverem, in senectute, ut benè morerer: quare cum & honesta vita fuerit, & mortem lætus exspectem: nec vita mihi dolori est, nec mors timori erit. O vitam in hac perpetua morte verè vitalem, sic eam institueret ut nec vita sit dolori, nec mors timori.* Vis ad

hunc felicitatis apicem gliscere? Attende. Duæ res, quæ difficilem hominibus mortem efficiunt; amor scilicet ejus, quod relinquimus, vel metus quod expectamus. At cum hæc vita nihil habeat formidabile, si bona præcesserit vita, nihil mors quæ metuas, habet formidabile.

II. Ne mortem, ante tempus mortis timeas, vivere oportet, ac si post horam unam esset emigrandum. Decet prius desinere, quàm desinas; sine facere, quàm finem accipias; mori quàm moriari sepeliri quàm sepeliaris. Hoc est, prius oportet desinere malè vivere, quàm desinas vivere. Hoc si te impetres, ita facile è vita migrabis, ac si è domo una migres in aliam. Non est Christiani velle ut tempore ad peccandum abundet, ad resipiscendum careat. Utinam temporis illius, quod cogitationibus de peccatis committendis, tribuis, saltem tertiam partem meditationi de obeunda morte tribueris & quam solitudinem in explendis pravis cogitationibus collocas, eam in deflectendis sceleribus collocares! Torus mundus inmissis habenis in fugitia cum spe ad frugem redeundi in senectute, ad resipiscendi in morte, præcipitat. Omnium sensus est: Arctari crescens pueritia non debet, senectus debilis vexari, utilis ætas à curis domesticis cursuque honoris abduci; juventuti aliquid dandum est. Deo quid? Animæ quid? Æternitati quid? Nulla videtur huic matura ætas. Nullus temporis rerum cardo, donec suus neget prægnantem fœtus partumque toties differenti, vires negentur patienti. (a) *In die illa occidet Sol in meridie.* Idem fors tibi eveniet.

[a] Amos 8.

eveniet. In ætatis vere, in fortunæ flore, in media dignitatū luce, in festo lætitiarum, aulæ, pompæ, et splendore ac strepitu, ad locum, punctumque supplicii venies.

III. Hocce rationi est consentaneum, cum tot committamus uno solo die peccata, ut vel unico peccato deplorando tota vita non sufficiat: ut deplorandis universis totius vitæ nostræ peccatis non amplius quàm unicæ horæ spatium requiramus? Fateor, ea est Dei clementia, ut sufficiat una hora, ut vitæ perditæ actæ te pœniteat. Sed auctor sum, ut si velis unam horam pœnitendo impendere, ea ne postrema sit. Suspirium enim voluntariè emissum, cœlos penetrat: necessitate expressum, ne recta quidem transit. O quæ cæcitas? Horam pœnitentiæ, veniæ, gratiæ, gloriæ destinatam calitū, ac donatam divinitū, otio, fabulis, apinis, donari! O quàm illos lacerabit æterna pœnitudo neglectæ opportunitatis, qua brevi compendio cœlum sibi asserere poterant. Si, quod absit, tam execranda fors, te interceperit, ut inimicum Dei mors te repente opprimat, quo fletu, qua rabie, quibus ululatibus incusaturus es illam socordiam, quo possessionem summi boni, excuti tibi de manibus non modò patiens tuleris, sed eam sponte respueris. Quàm amara recordatione revocaturus es articulos illos temporis, quibus flammæ illas ferviles, & atroces vitare, regnum illud perpetuum, ac securum nullo negotio valuisti adipisci. Expende illud D. Gregorii. (a) *Omnipotentis Dei Misericordia illius obliviscitur, qui Omnipotentis Dei justitia fuerit*

G 4

fuerit

[a] *In moral.*

fuerit oblitus: quia misericordem Deum invenire poterit, qui eum justum non timet. Ne timeas mortem judicium, time ante mortem Judicem, nec pretio, nec prece est exorabilis. Juxta illud.

Judicis est recti nec munere, nec prece flecti.

8. DIES FEBRUARII.

Nunquam erit homini pejus in morte quam ubi erit mors ipsa sine morte.
S. Augustin. de Civit. cap. 11.

Timenda I. **I**N homine graviter infirmo, ut plura mors illi qui commisit timenda. Tamen enim illius exercendae ad huc superat facultas; quae tamen non difficultas? Obruent aegrotantem aegritudo corporis, & animi, dolor, infirmitas, insomnium, inquietas, vigiliae. Coquet febrilis ardor viscera, obtundet gravedo caput. Quis modus discutienda ut par esset conscientiae? Morbus ingravescet, mittendus erit sanguis, pharmatica sorbenda, adhibenda remedia, fastidio erunt medicinae & cum vacillare ceperint, terrori. Ubi conclamatum fuerit, quam gravis erit mortis nuntius. Sed quid? Quando circumdabunt me dolores mortis, torrentes iniquitatis, ac pericula inferni? Ponetur ante oculos antea vitae turpitudine, apparebit sublato furo peccatorum gravitas, in proximo erit damnationis periculum, & exorabilis sa-
veritas